

Nanzlumz Gaem Va Haenx

难忘那一束山花

□ Vangz Giiveiz/黄启维

Yaep hohfwngz suenq daeuj, gou dangq lauxsae daengz seizneix gaenq ndaej cib seiq bi lo, ndaej gvaq gvaq cibsam aen cietlauxsae. Moix baez daengz ngoenzciet, cungj miz hagseng soengq laex hawj gou, lumj miz cenjaz, daengdaiz, bit, hoeng hawj gou ceiq nanzlumz dwg gaem va hagseng daj gwnzbya mbaet ndaej soengq hawj gou haenx, gaem va haenx dwg gou dang lauxsae daeuj sou ndaej gij laex cietlauxsae ceiq dijbauj ndeu.

Bihaenx 9 nyied, gou deng faenboiq bae aen hagdangz ndawrungh ndeu sonhag. Haethaenx bet diemj cung, gou dawz mbaw sawbauqdaengz cuengq haeuj daeh, aemq di doxyiengh couh bae hagdangz bauqdaengz lo.

Gou byaij youq gwnz gij lohbya ngutngutngeungeu haenx, gwnz loh gig noix raen vnz baedauq. Aenvih ngamq bizyez faenboiq couh deng haeuj ndawrungh bae, seizde gou mboujcaengz rox roen, cij ndaej boux ndeu youq gwnz roenbya byaijndiekndiek, hoengq byaij gvaq geij goengqbya lij caengz ra raen aen hagdangz haenx, yawj bae naj, bya goengq dab goengq, gou ngeiz dwg mbouj dwg byaij roen loeng lo. Doeklaeng caeklaiq youq gyangloh nyangz goenglaux langhvaiz ndeu, de

naihsim lwnhnaeuz gou nyi, gou cij rox coh diuz loh iq aen hagdangz haenx byaij bae.

Byaij ha byaij ha, sawqmwh dingqnyl lumj miz sing gaeq haen, ndwn youq gwnz dingjbya yawj roengz laj bae, laeglinzlinz, aen mbanj haenx youq laj dinbya, iqetet. Aen hagdangz haenx couh dwg youq ndaw runghlaeg runghgeq neix, byaij roengz diuz lohbya lingqlangq haenx bae, haemq nanz cij byaij daengz ndaw hagdangz. Gou yamq haeuj hagdangz, yawjraen baihrog hagdangz mboujmiz dou, miz song fungh ranz cukciengz, gwnz dingj ranz hoemq vax, conghecueng dwg aeu faexmwnh daep baenz, yienznaeuz gwnz dingjranz cang miz geij benq vaxgingq, hoeng ndaw gyausiz lij miz di fuemx. Song fungh ranz haenx, fungh ndeu dwg gyausiz, fungh ndeu dwg fuengz lauxsae lienz ranzbanhgoeng, gwnzdieg caengz beiq suijniz, lij miz di cumx dem. Doiqnaj dwg aen cauhcangz iq, laj go makbizbaz gwnz cauhcangz laemh duzmax vnz ndaw mbanj dem, aen neix dwg hagdangz lwi? Yawjraen yienghneix, ndawsim gou doeknaiq raixcaix.

Ngamq haeuj daengz ndawhag, gyoengq hagseng launyaenq dwk, mbouj gamj daeuj dep gou, itcig



daengz boux lauxsae ndeu daj ndaw gyausiz byaij okdaeuj riengz gou gaemfwngz le, gyoengq hagseng cij gamj comz gvaqdaeuj. Boux lauxsae neix dwg Vangz lauxsae, de ngoenzgonq ngamq daj boux lauxsae minzban cienjingq baenz lauxsae gunghbanh, ranz de couh youq ndaw mbanj neix, nienzgeij gaenq daengz duiyoh lo, gou couh dwg deng baihgwnz anhbaiz daeuj ciep aen ban de. Vangz lauxsae gaemfwngz gou ndaetndet bae, gikdoengh dwk naeuz: "Vangz lauxsae ha, mwngz daeuj couh ndei lo, gyoengq lwghag muengh mwngz daeuj son gyoengqde hag gyoebyaem Sawgun caeuj bujdunghva, gou geq lo, mbouj hab son bang lwngeiz neix lo..."

Yienzlaiz, Vangz lauxsae mbouj cienmonz hag gvaq gyoebyaem Sawgun caeuj bujdunghva ne.

Rox gou dwg bae sonsaw hawj gyoengqde, sawqmwh, ndaw hag doq hoengh hwnjdaeuj: "Dou miz lauxsae moq lo, dou miz lauxsae moq lo! Daeuj boux lauxsae coz youh mbauqndei ndeu!" Gyoengq hagseng angq dwk buet hwnjdaeuj hemq naeuz. Ndaw mbanj bouxlaux lwngeiz cungj ganj daeuj lo. "Ho, ndei lai lo, mwngz daeuj daengz, lwg bouxrungh dou miz fukheiq bw! Ngoenzlaeng, gyoengq lwngeiz neix dou couh cuengqsim gyau hawj mwngz lo!" Boux daxgoeng ndeu gaemfwngz gou gangj mbouj dingz. Gou baez daih'it ndaej baenzlai vnz humx dwk, rox daengz boux lauxsae baenzneix ndaej vnz aeuieq, ndawsim gig gamjdoengh. Yawj gij najriu vnzmbanj haenx, dingq gij vah gyoengqde hawj vnz sim'unq haenx, haxbaenh gij doeknaiq gou seizneix gaenq mboujmiz lo, ndawsim dauqfanj gikdoengh hwnjdaeuj, itcig daengz seizneix hix mbouj lumz ne.

Aen hagdangz neix heuhguh Nazgamz Siujyoz, daengx aen hagdangz miz samcib it boux hagseng, cij miz it daengz sam nienzgaep, hagseng caemh aen gyausiz ndeu hwnjdangz. Ngoenz daihngaih, ciep gvaq bonj gobwnj Vangz lauxsae, gou couh hainduj hwnjdangz lo. Ndaw gyausiz mboujmiz gyangdaiz, cij miz song benq hwzbanj. Dangz go ndeu, gou aeu son sam aen nienzgaep, hawj song aen nienzgaep hagseng sij cozyez, aen nienzgaep ndeu hwnjdangz moq, hwnj yijvwnz liux caiq hwnj suyoz, aiq dwg lwngeiz youq ndawrungh haemq lauxsae ba, hix aiq dwg gou dwg boux lauxsae moq ngamq daeuj, seiz hwnjdangz, hagseng caemrwrwg yunghsim dingq gangj, hag ndaej geijlai nyinhcaen, mbouj miz saek boux guhcaemz.

(caengz sat)

Caeklaiq ndaej saefouq vnz-guhnaz Cauzsan daeuj daengz gizhaenx, gaisau gij gingniemh gyoengqde daihmienhcik ndaem haeux mouxcanj ndaej 1600 gaen haenx, hawj aen swnghcanjdui neix yawj raen le bonjfaenh caeuj vnzrog lij doxca haujlai. Dajbeij naeuz, baenzlawz yungh haexvaiz haexmou, Cuzveiz Swnghcanjdui dwg dak hawq yungh, Cauzsan dwg cuengq roengz cinghaex bae oemq yungh. Vnzguhnaez Cauzsan naeuz, haexvaiz haexmou dak hawq le, bwnhyauq ceiqnoix deng sai bae 60%-70%, cigsoh cuengq haeuj cinghaex bae oemq, yungh fa hoemq maenh, bak rap bwnh cix ndaej bak rap bwnhyauq. Gij seyenz aen gunghse neix cungj laihnaeuz vnzguhnaez Cauzsan gangj ndaej miz dauhleix, gyoengqde cungj ciuqbanh, dangbi cix ndaej mouxcanj mauhgyaq cien gaen, youh ndaej yamq hwnj mbaeklae moq ndeu. Seyenz cungj angq naeuz: "Ndaej saefouh bouxak Cauzsan sonyinx le dou cij ndaej baenzneix

Veiz Gozcingh Sangcieng Cawj-guenj Guengjsae Ngeihcib Bi

韦国清上将主政广西二十年

□ Hoz Saubangisij Cioz Siengzcoub Liuz Gioqliuj Cioz Siengzzen boiz

nde."

Luzcai Yen Dacau Gunghse Giuyen Swnghcanjdui, raen mbanj-nden Sanhvanh Swnghcanjdui miz vnzguhnaez Cauzsan daeuj guh nazyienghbanj, sim miz di mbouj sangj, naeuz: "Ndaem naz miz maz nanz, lai coq di bwnh baujingq ndaej ok lai." Gyoengqde cix youq baihhenz ra ndaej gaiq nazbiz ndeu, coq gaeuq bwnhdaeij, lij coq le 70 gaen vafeiz, caegcaeg caeuj vnzguhnaez Cauzsan doxbeij. Gyoengqde cungj dwg ndaem go' ganjsang, byawz liuh daengz coq bwnh gvaqbouh le, go' gyaj maj ndaej

riengjretret, da yawj cix yaek ngeng lo. Seizneix, vnzguhnaez Cauzsan daeuj lwnh gyoengqde naeuz, ganjvaiq baiz raemxnaz liux bae, hanhceih go' gyaj majhung. Gyoengqde ei vah vnzguhnaez Cauzsan bae guh, doeklaeng cij mienxndaej go' gyaj gvaqcaeux ngeng. Gij seyenz aen swnghcanjdui neix cungj simfug lo, cungj haenh vnzguhnaez Cauzsan fungek sang, dinfwngz ak.

Gih henz goengloh daj Nanzningz daengz Vujmingz haenx, youq baihhenz Sanghgyauz, miz gaiq nazyienghbanj vnzguhnaez Cauzsan ndaem

nde, daegbied angjda. Bonjlaiz, gizneix cix gig cangh ndaem haeuxnaz, hoeng gij nazyienghbanj vnzguhnaez Cauzsan ndaem haenx engqgya ak, gogo maj ndaej caezcupcup. Vnz lohgyaq cungj haenh mbouj dingz. Veiz Gozcingh lohgyaq gizneix, caemh aeu dingz yawj baez ndeu, de naeuz: "Gijneix dwg goengfou caen ha! Vnzguhnaez ceiq gangj saedcaih, da raen cix dwg saehsaed. Dingz nazyienghbanj neix hawj vnz simfug lai, de beij gijmaz senhconz cungj engqgya miz yauqgoj."

(caengz sat)